

## 401 Prys die Heer met blye galme

### Psalm 146

*Onbekend* *F.G. Bäsler (1804)*

1. Prys die Heer met bly - e gal - me, o My siel daar's ry - ke stof!

Ik Sal, so - lank ek leef, my psal - me Vro - lik toe - wy aan sy lof

En Hom, wat sy guns my bied, Al - tyd groot maak in my lied.

8.7.8.7.7.7. *Psalm 146*

Moet op prinse nie vertrou nie,  
by wie niemand heil kan vind -  
op die mens jou hoop nie bou nie,  
want as God hul gees ontbind,  
keer hul na die aarde weer  
en hul planne stort ook neer.

Salig hy wat in die lewe,  
sonder hulp en sonder raad,  
as hom alles wil begewe,  
vlug tot God, sy Toeverlaat;  
en ook in die swartste nag  
op die Heer alleen bly wag.

Dis die Heer wat aard' en hemel,  
die getuies van sy mag,  
met die see en wat daar wemel,  
voortgebring het deur sy krag;  
wat, onwrikbaar in sy trou,  
altyd sy beloftes hou.

Dis die Heer wat aan die arme  
in sy druk laat reg geskied,  
wat uit liefde en erbarming  
hongeriges voedsel bied;  
wat gevang'nes vryheid skenk  
en hul in hul smart gedenk.

Dis die Heer se mededoë  
wat die blinde oog verlig;  
wie in stof lê neergeboë,  
word deur Hom weer opgerig.  
Hy bemin dié wat opreg  
wandel in sy woord en weg.

Dis die Heer wat vreemdelinge  
sy beskerming bied, en trou  
weduwees in twisgedinge,  
met hul wese, staande hou.  
Maar sy arm, hul steun en hoop,  
stuit die bose in sy hoop.

Dis die God der leërmagte,  
troue Bondsgod van weleer,  
God van wordende geslagte,  
tot in ewigheid die Heer.  
Sion, sing dié God tot eer,  
prys sy grootheid, lof die Heer!

Totius (1877-1953)

F.G.Basler (1804)